

## **Universitätsbibliothek Paderborn**

### **Historiae Ecclesiasticae Pars ...**

Historiae Ecclesiasticae Pars Tertia, Qva Continentvr Hermiae Sozomeni  
Salaminij lib. 9. Euagrij Scholastici Epiphanensis lib. 6

**Christopherson, John**

**[Köln], 1569**

Quòd Iustinus adhuc viuens, Iustinianum qui simul cum ipso regnaret  
asciuit. Caput IX.

**urn:nbn:de:hbz:466:1-12718**

EVAGR. HISTOR.

instituimus, & gratiam nobis donatam neutiquam depravamus. Verum ne pluribus commemorandis sim longior, reuertar eō, vnde deflexit oratio.

*De calamitatibus quae p[er]sistim occurrabant.*

Caput VIII.

Iustino adhuc imperium administrante, oppidum, quod iam Dyrrachium, olim Epidamnum appellatum fuit, ter remotu grauiter concussa est. Similiter & Corinthus, quæ est in Græcia sita. Adde his Anazarbum, urbem minoris Ciliciæ primariā, quæ iam quartō illud cladis genus pertulerat. Quas vrbes Iustinus magna pecuniæ summa suppeditata, refecit. Eisdem temporibus Edesa vrbs Osrōenorum amplissima, & beata in primis, vndis scirti torrentis præterlabētis sic obruebatur, ut multa ædificia aquæ im petu abriperentur, & infinita hominū multiudo, quos flu men secum auexerat, interirent. Edesa igitur & Anazarbus ab ipso Iustino noua nomina accepere, & vtraque vrbis Iustinopolis appellata est.

*Quod Iustinus adhuc viuens, Iustinianum quisimul cum ipso regnaret ascivit.*

Caput IX.

Cum Iustinus octo annos, menses nouem, & dies tres regnasset, Iustinianum sororis filium sibi in societate imperij gerendi asciscit. Qui imperator declaratus fuit primo die mensis Xanthici, id est, Calend. Aprilis, anno quingentesimo, septuagesimo quinto post nomen Antiochiae impositum. His ita constitutis, Iustinus supremum vitæ diem obiens, ex isto migravit imperio, primo die mensis Loij, id est, Calendis Auguſti, qui vñā cum Iustiniano menses regnauit quatuor. Totum autem regni sui tempus nouem annos intergros, & tres diei complexum est. Cum autem Iustinianus iam solus totius imperij gubernacula teneret, & Chalcedonense conciliū p[er]sistim per oēs sanctissimas ecclesias mandato Iustini, sicut ante à me demonstratum est, prædicaretur, adhuc slatus ee-

clesiæ cum in alijs quibusdam prouincijs conturbatus fu-  
it, tum maximè Constantinopoli & Alexâdriæ : quan-  
doquidem episcopatum Constantinopolitanum admini-  
stravit Anthimus, Alexandrinum autem Theodosius, qui  
vterque vnam in Christo naturam inesse affeuerauit.

*Quod Iustinianus eos qui Chalcedonense concilium  
approbabant charos habuit, sed Theodora con-  
iunx ipsius, contrafouit illos qui concilio renite-  
bantur.*

Caput X.

**Q**uemadmodum Iustinianus episcopis, qui Chalce-  
doni in vnum conuenerant, & decretis ab illis editis  
valde conitanter adhæsit: sic Theodora eius coniux  
illos, qui vnam in Christo naturam inesse afferebant, admo-  
dum amplexata est. Siue igitur ita reuera sentiebant (quan-  
do enim de fide proposita est controuersia & parentes à li-  
beris, & liberi à parentibus, & vxor à suo marito, & ma-  
ritus rursus ab vxore dissentit) siue ita, dedita opera, in-  
ter eos conuenerat, ut ille eorum, qui duas naturas in  
Christo Deo nostro post diuinitatis & humanitatis copu-  
lationem inesse, hæc eorum qui vnam afferunt, patroci-  
nium susciperet, nam neuter alteri cedebat, ille certe de-  
creta concilij Chalcedonensis valde studiose tuebatur,  
hac illis, qui contrariam partem, vnam nimirum inesse in  
Christo naturam, tenebant, omnibus modis prospexit: &  
eius opinionis homines, si nostrates essent, beneuolè & a-  
amicè complexa est, sin exteri, præmijs benignè remunerata:  
quaæ etiam persuasit Iustiniano, ut Seuerum accerferet.

*Quod Anthimum Constantinopolitanum episco-  
pum Seuerus peruerit, & item Theodosium E-  
piscopum Alexandrinum, quos expellens im-  
perator, alios conflituit. Cap. XI.*

**E**xstant quidem adhuc epistolæ Seueri ad Iustinianū &  
Theodorā scriptæ: ex quibus intelligi potest, eum in  
initio, postquam sedem episcopatus Antiocheni dese-  
ruerat, iter suum Cōstantinopolim versus distulisse, poitea

Nu 2 tamen